

皇清經解續編

皇清經解集編

皇清經解續編卷七百九十八

南菁書院

詩毛氏傳疏二十

長洲陳奐碩甫著

甫田之什詁訓傳二十一

毛詩小雅

甫田之什十篇三十九章二百九十六句

甫田四章章十句

甫田刺幽王也君子傷今而思古焉

倬彼甫田歲取十千傳倬明貌甫田謂天下田也十千言多也

我取其陳食我農人自古有年傳尊者食新農夫食陳今適南

畝或耘或耔黍稷薿薿傳耘除草也耔離本也攸介攸止烝我

髦士傳烝進髦俊也治田得穀俊士以進疏傳云倬明兒兒當

釋文引韓詩作蒨彼甫田云蒨卓也倬焯卓同甫爲大甫田卽大田故云謂天下田也楚語天子之田九畝以食兆民王取經

皇清經解續編詩毛氏傳疏二十一

入焉以倉萬民韋注云九畝九州之內有畝數也十千爲萬故
云言多也傳文農夫當依經作農人正義作農人倉陳經言取
陳倉農人耳傳云尊者倉新者以申補經義也周禮旅師春頒
粟又管子五行篇發故粟以田數是其義也尊者農人對稱則
尊者君上也孫毓說尊者爲尊老恐非是有年豐年也箋云自
古者豐年之法如此○今謂成王時耘釋文作芸說文穎除苗
閒穢也或从芸作耘耔當作秬或作芋說文秬雖禾本本傳訓
也廣雅云薿薿茂也玉篇擬擬然黍稷盛兒漢書作擬擬漢書
倉貨志后稷始耨田以二耜爲耦廣尺深尺曰耨長終耨一耨
三耨一夫三百耨而播種於耨中苗生三葉以上稍壯耨隴草
因壅其土以附苗根故其詩曰或芸或芋黍稷擬擬芸除草也
秬附根也言苗稍壯每耨輒附根比盛暑隴盡平而根深能風
與旱故擬擬而盛也義與傳同○介大也止猶息也攸介攸止
烝我髦士承上文黍稷疑疑而言長大其黍稷休息其民人也
二章云以介我稷黍以穀我士女文義同烝進已見信南山篇
髦俊爾雅釋言文械樸髦士攸宜思齊譽髦斯士傳竝云髦俊
也爾雅又云髦選也倉貨志冬月餘子在于序室八歲入小學
學六甲五方書計之事始知室家長幼之節十五入大學學先
聖禮樂而知朝廷君臣之禮其有秀異者移鄉學于庠序庠序
之異者移國學于少學諸侯歲貢少學之異者於天子學于大
學命曰造士行同能偶則別之以射然後
爵命焉此傳所謂治田得穀俊士以進也

以我齊明與我犧羊以社以方傳器實曰齊在器曰盛社后土也方迎四方氣於郊也我田既臧農夫之慶琴瑟擊鼓以御田

祖以祈甘雨以介我稷黍以穀我士女傳田祖先嗇也穀善也

疏齊明明齊也明齊即左傳絜粢也釋文齊本又作齎豐年傳作齎盛他經典多作案盛作齊者古文假借字器實曰齊實

謂黍稷也黍稷為齊齊在器曰盛故經言齊而傳乃兼言盛耳犧謂牛閼宮享以駢犧傳犧純也駢犧皆牛之色因之謂牛為

駢亦為犧也大田來方禋祀以其駢黑傳駢牛也是祭社用牛矣白虎通義五祀篇云祭五祀天子諸侯以牛卿大夫以羊因

四時祭牲也中雷以豚或曰中雷用牛不得用牛者用豚此天子祭國中五祀中雷用牛豈四郊五祀尤尊而祭社反不用牛

乎鄭箋據曲禮犧牛為純色之牛遂謂此犧羊為純色之羊恐非是○昭二十九年左傳云后土為社此傳所本也后土為社

神祭社以句龍配食左傳云土正曰后土又云其工氏有子曰句龍為后土后土又為五祀之神而亦以句龍配食也魏獻子

問社稷五祀誰氏之五官史墨既詳荅五祀又詳荅社稷是后土在五祀之內而社不在五祀之中故言五祀又別言社稷也

周禮大宗伯以血祭祭社稷五祀五嶽以狸沈祭山川澤以鬯辜祭四方百物鄭注云不言祭地此皆地祇祭地可知也則

詩毛氏傳疏二十一

地祇亦卽在五祀中矣大司樂注云地祇所祭於北郊謂神州之神及社稷又云土祇原隰及平地之神也然則土祇地祇皆地祭之名祭原隰之神謂之土祇地以方丘之祭爲大禘神其號謂之地祇黃帝及后土之神皆祀焉而以后稷配黃帝句龍配后土者也后稷配天於南郊配地於北郊北郊亦在中坳內也此謂五祀也若春祈秋報雖亦於中坳而非大禘祀天神不祀天帝而專以句龍配者也此謂社也后土爲五祀亦爲社五祀祀后土兼祀黃帝社亦祀后土專祀后土亦卽五祀中別而尊之爲兩祭而實同祀后土高誘注呂覽孟冬紀云社爲土官稷爲木官俱在五祀中以其功大故別言社稷是已傳云社后土與五祀后土不同白虎通義社稷篇歲再祭之何春求秋報之義也是春秋皆祭社一祈一報詩下文云以祈甘雨當指春祈雲漢篇祈年孔夙方社不莫此祈年方社之明證矣箋與周禮大司馬注皆指秋報說○周禮大宗伯以玉作六器以禮天地四方以蒼璧禮天以黃琮禮地以青圭禮東方以赤璋禮南方以白琥禮西方以玄璜禮北方此卽曲禮所謂天子祭天地祭四方也鄭注禮天以冬至謂天皇大帝在北極者也禮地以夏至謂神在崑崙者也禮東方以立春謂蒼精之帝禮南方以立夏謂赤精之帝禮西方以立秋謂白精之帝禮北方以立冬謂黑精之帝鄭亦謂地卽地祇而四方卽四時迎氣矣書大傳云萬物非天不生非地不載非春不動非夏不長非秋不收非冬不藏故書煙于六宗歐陽大小夏侯說六宗上不及天下不

及地勢不及四方是四方亦在六宗內也掌次王太旅上帝朝
曰祀五帝又司服祀昊天上帝服大裘而冕祀五帝亦如之合
上帝五帝卽爲六宗不數上帝則爲五帝小宗伯兆五帝于四
郊其中中央帝爲黃帝黃帝中和之色亦卽地祇也中庸郊社之禮
所以事上帝言上帝以咳地祇也尊之雖地祇亦稱天稱帝也
月令春帝大皞夏帝炎帝中央帝黃帝秋帝少皞冬帝顓頊所
謂五帝也春神句芒夏神祝融中央神后土秋神蓐收冬神玄
冥左傳木正曰句芒火正曰祝融金正曰蓐收水正曰玄冥土
正曰后土所謂五祀也少皞氏有四叔曰重曰該曰脩曰熙重
爲句芒該爲蓐收脩及熙爲玄冥顓頊氏有子曰犁爲祝融其
工氏有子曰句龍爲后土所謂五官也尊之曰五帝神之曰五
祀其義一也然則天地四方謂之六宗地與四時謂之五帝又
謂之五祀所配食之人神謂之五官不連地祇言則謂之四方
四方皆爲壇祭之祭義云四坎壇祭四方也書大傳云壇四與
注謂祭四方之帝四方之神是鄭解四方亦依月令四時之帝
神而言月令孟春立春之日天子迎春于東郊孟夏立夏之日
迎夏于南郊孟秋立秋之日迎秋于西郊孟冬立冬之日迎冬
于北郊此四郊迎四方之氣四時之帝神皆與祀焉而中央之
帝神雖旺於夏季實則仲夏至月正以祭之四時所以成
歲故於四立之日迎四方之氣月令亦竝無中央迎氣之文傳
云方迎四方氣於郊正七月令爲說書五行傳中央之極自崑
崙中至大室之野帝黃居土司之土王之日禱用牲迎中

氣于中室司馬彪續漢書志月令有五郊迎氣服色先立秋十八日迎黃靈于中兆祭黃帝后土說同五行傳唯惠棟明堂大道錄云郊特牲正義五時迎氣東方青圭南方赤璋西方白琥北方玄璜其中中央無文先師以為用黃琮黃琮禮地即方澤之祭先師之言得其義矣惠亦謂地為地祇不謂迎土氣○既盡也臧慶皆善也擊鼓擊土鼓也御迎也周禮疏引傳田祖先嗇者也有者字春官籥章凡國祈年于田祖吹豳雅擊土鼓以樂田畯鄭注云田祖始耕田者謂神農也郊特牲蟠之祭也主先嗇而祭司嗇也注云先嗇若神農者鄭以田祖先嗇為神農矣地官大司徒設其社稷之壇而樹之田主注社稷后土及田正之神田主田神后土田正之所依也詩人謂之田祖鄭又以田祖為社稷之神案傳意以祈年之田祖即蟠祭之先嗇祈蟠一神非謂祈蟠為一祭先嗇者始先稼穡之人則不為社稷之神可知穀訓善王肅云大得我黍稷以善我男女言倉廩實而知禮節也此乃祈年之辭

曾孫來止以其婦子饁彼南畝田畯至喜攘其左右嘗其旨否

禾易長畝終善且有傳易治也長畝竟畝也曾孫不怒農夫克

敏傳敏疾也疏曾孫成王也以猶為也饁饋也爾雅云懷因也攘與懷同左右猶東西謂田畔也嘗其旨否言

各嘗其饋之美與不也○易有蕩平之義故傳詁易為治治者謂除草雖木也生民傳方極畝也竟畝與極畝同義終猶畝也

有讀歲其有之有敏疾文王生民江漢同齊語盡其四支之敏以從事於田野韋注云敏猶材也曾孫不怒農夫克敏言農夫

能疾除其田則曾孫不怒也不怒者不待趨其耕耨

曾孫之稼如茨如梁曾孫之庾如坻如京傳茨積也梁車梁也

京高丘也乃求千斯倉乃求萬斯箱黍稷稻粱農夫之慶報以

介福萬壽無疆疏箋云稼禾也謂有稟者也小箋云說文積積

艸蓋故知此訓積為假借說文引詩積之栗栗作積之秩秩是

積積可通用矣何以言如也此與淇奧如積同義梁車梁即與

梁正義云孟子十二月車梁成梁謂水上橫橋橫有廣狹得容

車渡則高廣者也故以比禾積楚茨傳云露積曰庾兼葭傳坻

小渚也如坻者取蕃聚之義也京高丘定之方中同如京者以

高積為喻管子新成困京急就篇門戶井竈庶困京說文圖謂

之困方謂之京廣雅京倉也或三家詩有以京為倉名故解者

悉本之與○大東傳箱大車之箱也箋云萬車以載之是也唐

風言藪黍稷藪稻粱聘禮黍粱稻皆二行稷四行內則飯黍稷

稻粱白黍黃粱食醫六穀牛宜稌羊宜黍豕宜稷犬宜粱稌即

皇清經解賣扁詩毛氏傳疏二十一

稻也此四穀之見於經者稷不可以冒梁猶黍不可以亂稻也
稻梁貴故禮為加饌黍稷二者又以黍為貴鄭注禮云黍者食
主之

大田四章二章章八句二章章九句

大田刺幽王也言矜寡不能自存焉疏詩亦思古之辭

大田多稼既種既戒既備乃事以我覃耜俶載南畝播厥百穀

既庭且碩傳覃利也庭直也曾孫是若疏箋云大田謂地肥美可墾耕多為稼可以

授民者也將稼者必先相地之宜而擇其種季冬命民出五種
計耦耕事脩耒耜具田器此之謂戒是既備矣至孟春土長冒
櫛陳根可拔而事之○覃讀為剡此假借也淮南子汜論篇古
者剡耜而耕文選東京賦介馭閒以剡耜爾雅剡利也郭注引
詩作剡耜本三家詩俶載始事也俶載南畝播厥百穀七月篇
所云其始播百穀也箋俶讀為熾載讀為蓄栗之蓄田一歲曰
蓄載芟良耜箋說同案箋非也蓄一歲休耕之田不得播穀庭
直爾雅釋詁文韓奕閔子小子同既庭且碩庭言直生也碩言
長大也曾孫是若若順也箋云成王
於是則止力役以順民事不奪其時

既方既阜既堅既好不稂不莠傳實未堅者曰阜稂童梁也莠

似苗也去其螟螣及其蝻賊無害我田稭傳倉心曰螟倉葉曰

螣倉根曰蝻倉節曰賊田祖有神秉畀炎火傳炎火盛陽也疏

方極畝也阜即草斗下文言既堅則既阜為實未堅者之稱今

艸木字俗作草草斗字俗作阜作皂廣韻有草而從艸早聲之

義亡矣稂童梁下泉同稂亦莠之類已成謂之莠不成謂之稂

亦謂之童梁其艸皆中牛馬芻國語馬餼不過稂莠是也魏策

幽莠之幼也似禾幽莠謂莠也傳云莠似苗也者莠秀挺出直

上非若禾秀之下墜其始生時莠與禾苗莫能分辨故孔子有

惡莠亂苗之喻淮南子說山篇農夫不察苗莠而并耘之皆謂

其似苗也○爾雅釋蟲倉苗心螟倉葉螣倉節賊倉根蝻此傳
所本也說文螟蟲倉穀葉者更冥冥犯法即生螟葉當作心正
茂引義疏云螟似子方而頭不赤子方齊民要術作好妨說文
螟蟲倉苗葉者更氣資則生螣從虫資貢亦聲引詩曰去其螟
螣螣本字螣為假借字義疏云螣蝗也高注呂覽云今兗州謂
蝗為螣說文蠹蟲倉艸根者更抵冒取民財則生或作螣古文
作蚌艸當作苗義疏云賊似桃李中蠹蟲赤頭身長而細耳漢
書五行志京房易傳臣安祿茲謂貪厥災蟲蟲倉根德無常茲
謂煩蟲倉葉不細無德蟲倉本與東作爭茲謂不時蟲倉節蔽

詩毛氏傳疏二十一

惡生孽蟲倉心說文正從易傳爲說韓詩釋幼稼也說文穉幼禾也禾稼一也幼讀如養幼少之幼闕宮傳謂穉爲後種凡後種者必小於早種也今字作稚○上篇傳云田祖先嗇者也釋文引韓詩卜畀炎火云卜報也韓詩秉作卜而詁爲報禮記注報讀爲赴疾之赴此報字亦當讀爲赴毛韓字異而意同干旄傳畀予也傳云炎火盛陽也者箋螟螣之屬盛陽氣羸則生之今明君爲政田祖之神不受此害持之付與炎火使自消亡正義云陽而稱火者以南方爲火炎爲甚之故云盛陽又云螟螣之屬得陽而生故陽盛而爲害月令仲夏行春令百螣時起是陽行而生陽盛則蟲起消之則付於所生之本

有淦萋萋興雨祁祁雨我公田遂及我私傳淦雲興貌萋萋雲

行貌祁祁徐也彼有不穫穉此有不斂穧彼有遺秉此有滯穗

傳秉把也伊寡婦之利疏傳文淦雲興兒釋文正義同定本集注作淦陰雲兒家訓書證篇引毛傳

云淦陰雲兒小箋從家訓定本集注作陰雲淦陰雙聲陰雲黑雲也釋文淦本又作彛呂覽務本篇作晡漢書倉貨志作𦵏六帖二作撝並同萋萋呂覽漢書後漢書左雄傳韓詩外傳說文玉篇廣韻皆作淦淦今釋文正義作萋萋恐係後人改也釋文云興雨或本作興雲非也正義云經興雨或作興雲誤也定本作興雨家訓云淦已是陰雲何勞復云興雲祁祁邪雲當爲雨

俗寫誤爾然則釋文正義皆從家訓之說以興雨爲是而呂覽
漢書韓詩外傳皆作興雲可知古本作興雲也小箋云說文淒
雨雲起也淪雨雲兒雨雲謂欲雨之雲凡大雨之來黑雲起而
風生風生而雲行所謂有淪淒淒也已而風定白雲彌天雨隨
之下所謂興雲祁祁雨公及私也作興雨於物理經訓皆失之
祁祁宋本作祈祈誤正義云祁祁徐兒釋文作徐也當兒之
誤家訓引毛傳作祁祁徐兒也當衍字○孟子滕文公篇引
詩云雨我公田遂及我私惟助爲有公田由此觀之雖周亦助
也使星戰同井地孟子曰方里而井九百畝其中爲公田八
家皆私百畝同養公田公事畢然後敢治私事所以別野人也
戰國時周家井田之法曰壞孟子乃據大田詩言公田而略陳
其概如此也宣十五年穀梁傳古者三百步爲里名曰井田井
田者九百畝公田居一私田稼不善則非吏公田稼不善則非
民古者公田爲居井竈蔥韭盡取焉此皆井田有公田之說也
周禮小司徒乃經土地而井牧其田野九夫爲井四井爲邑四
邑爲邱四邱爲甸四甸爲縣四縣爲都鄭注云此謂造都鄙也
采地制井田異於鄉遂重立國此制小司徒經之匠人爲之溝
洫相包乃成耳匠人爲溝洫九夫爲井方十里爲成方百里爲
同注云此畿內采地之制九夫爲井井者方一里九夫所治之
田也采地制井田異於鄉遂及公邑又云以載師職及司馬灋
論之周制畿內用夏之貢灋稅夫無公田以詩春秋論語孟子
論之周制邦國用殷之助灋制公田不稅夫貢者自治其所受

田貢其稅穀助者俗民之力以治公田又使收斂焉畿內用貢
澶者鄉遂及公邑之吏旦夕從民事爲其促之以公使不得恤
其私邦國用助澶者諸侯專一國之政爲其貪暴稅民無藝周
之畿內稅有輕重諸侯謂之徹者通其率以什一爲正孟子云
野九夫而稅一國中什一是邦國亦異外內之澶耳金榜禮箋
云小司徒九夫爲井之法遂人有十夫有溝之法地之險夷異
形廣狹異數因地勢而制其宜凡不可井者濟以遂人法而地
無曠土孟子請野九一而助國中什一使自賦國中城郭宮室
差多涂巷又廣於遂人法爲宜是小司徒實與遂人聯事通職
不以鄉遂都鄙異制審矣與竊謂書缺有閒各存一說以俟參
攷焉可也至邦國行井田有公田見諸經傳顯有明證噫嘻傳
云私民田也○秉把雙聲同義不獲釋未刈者也不斂齊刈而
未斂者也遺秉謂連稯者滯穗謂去稯者伊寡婦之利外舅無
錫顧氏廷杏云山東省農家於刈穫時必畱畝一角令貧戶取
之以爲利猶
古遺風與

曾孫來止以其婦子饁彼南畝田畯至喜來方禋祀以其騂黑

傳騂牛也黑羊豕也與其黍稷以享以祀以介景福疏

來方猶上篇云

以方來古騂字語詞也上篇傳云方迎四方氣於郊也迎四方
氣於郊者祀五天帝及五人神周禮大司寇小司寇禋祀五帝

大祝注云禋祀祭天神也以其駢黑與其黍稷以享以祀猶上篇云以我齊明與我犧羊以社也上篇傳云社后土也傳以駢黑爲牛羊豕正指社祭召誥乃社于新邑牛一羊一豕一此其義也案此詩駢黑與周禮牧人駢牲黝牲不同牧人凡陽祀用駢牲陰祀用黝牲駢牲色赤黝牲色黑非謂駢爲牛而黝爲羊豕也鄭謂陽祀祭天及宗廟陰祀祭地及社稷箋詩遂引周禮爲說意以四方迎氣用牛社用羊分配經傳駢牛黑羊豕不知天子社稷皆大牢非特用羊也四方迎氣用牛與上篇箋秋祭四方不指迎氣又不合祭社當有句龍配食祭法瘞埋于泰折祭地也用駢犢是駢以祀社羊豕祀配食之人歟召誥用牲于郊牛二祀天一牛配天之人一牛祭地用牛其祭地配食之人卑用羊豕

瞻彼洛矣三章章六句

瞻彼洛矣刺幽王也思古明王能爵命諸侯賞善罰惡焉疏命爵

諸侯若宣王之爵命尹吉甫北伐方叔南征召虎程伯休父伐淮夷賞善罰惡二伯述職也

瞻彼洛矣維水泱泱傳興也洛宗周漑浸水也泱泱深廣貌君

子至止福祿如茨韎韐有珌以作六師傳韎韐者茅蒐染草也

一入曰蘇軾所以代韓也天子六軍疏周禮職方氏正西曰雍

出懷德漢書地理志北地郡歸德洛水出北蠻夷中入河左馮

翊襄德禹貢洛水東南入渭雍州寢顏注云襄亦懷字漢懷德

縣即今陝西同州府朝邑縣地為洛入渭之處漢志云入河誤

王念孫以為二字衍文也漢志識洛水入渭之縣而於洛出之

源但云出北蠻夷中者略也淮南子墜形篇洛出獵山高山注獵

山在北地西北夷中洛東南流入渭西山經白於之山洛水出

于其陽而東流至于渭元和郡縣志白於山一名女郎山在洛

源縣北三十里白於山獵山在漢北地郡所謂北蠻夷中矣漢

歸德縣即今甘肅慶陽府安化合水二縣地為洛出源之處雍

州之洛與豫州之雒其字分別自古不紊今以豫州為南洛水

而以雍州為北洛水非古也洛水在鎬京之北而在岐周之西

其川南流入渭以入河要皆在宗周畿內故傳以為洛宗周漑

浸水也鄭注職方氏云浸可以為陂灌漑者說文決滂也周禮

酒正注盞猶翁也決盞聲相近傳云深廣兒者考工記匠人為

溝洫廣尺深尺謂之邸廣二尺深二尺謂之隧廣四尺深四尺

謂之溝廣八尺深八尺謂之洫廣二尋深二仞謂之澮案都鄙

用井田溝洫即為井田之制軍賦實起於此故詩人以洛水之

盛興出軍之眾傳即本匠人溝洫之深廣言之○君子席諸侯

也如與而通甫田傳云茨積也如茨而積也淇奧如簣而積也

文義正相同傳文蘇下軾字衍草當作韋一下入字依定本補

王引之詩述聞云毛傳原文本作韎染韋也今本韎下有者茅

蒐三字此涉鄭箋韎者茅蒐染而誤衍也蓋毛以染韋一入之

色爲韎而不以茅蒐爲韎故曰韎染韋也一入曰韎鄭以韎爲

茅蒐之合聲則以茅蒐爲韎而不以一入爲韎故曰韎者茅蒐

染也茅蒐韎聲也若毛以茅蒐爲韎則與一入曰韎之文自相

違異且毛既云韎者茅蒐染韋鄭不須更云韎者茅蒐染矣孔

陸所見已是一誤本故不言鄭與毛異耳晉語韎韋之跗注韋注

曰三君云一染曰韎鄭後司農說以爲韎茅蒐染也云鄭以爲

茅蒐染則毛不以爲茅蒐染明矣三君皆從毛義故但言一染

曰韎而不言茅蒐也說文韎茅蒐染韋也一入曰韎茅蒐二字

亦後人依誤本毛傳加之也賈景伯注成十六年左傳及晉語

竝云一染曰韎叔重之學出於景伯故云韎染韋也一入曰韎

且賈許皆治毛詩故以一入爲韎至康成始以茅蒐爲韎不得

於說文注中增入茅蒐二字且茅蒐爲韎與一入爲韎二者各

爲一義不可強同也案王說是也韎從韋故知爲韋韎韋之色

故知爲染韋一入曰韎傳又申說染韋之義也玉藻注緼赤黃

之閒色所謂韎也爾雅一染謂之緼士冠禮注凡染絳一入謂

之緼經與緼古聲同韎卽緼也說文韎字从末聲不从末聲傳

既釋經韎之義又釋經韎之義凡士朝服皮弁服玄端服稱韎

韎色之韎稱韎故云韎所以代韎也士冠禮爵弁服纁裳純衣

纁帶韎韎又受爵弁加之服纁裳韎韎士喪禮爵弁服純衣纁

帶韎韎注韎韎韎也韎之制似韎說文市部士無市有衿制

詩毛氏傳疏二十一